

Ođđ tuärjj sää'm oudpeämm tää'zz ärvvtööllma – täävtössân ra'vvjed da tuõ'll'jed sää'mkiõll- da kulttuurää'rb

Meersaž škooultõõzz ärvvtööllâmkiõskõs (Karvi) ouu'dad vuõss vuâra ärvvtööllâmтуâjjneävv sää'm oudpeämm tää'zz ärvvtööllma. Tuâjjneävv kicčlõõddât kuttân kää'ddest, kook lie jee'resä'rnn Lää'ddjânnmest da kook jä'rjste sää'm oudpeämm. Ärvvtööllâmтуâjjneävvain põõrgât õhttnâ'tted sää'm oudpeämm tää'zz ärvvtööllâm di tuärjjeed tuâjjlažkää'dd da njonnšid ärvvtööllmest.

Ođđ ärvvtööllâmтуâjjneävv veäkka oudpeämm tuâjjlažkää'dd vuäitt ärvvtööllâm jiijjâs toi'mmjummuž sää'm oudpeämm pedagogiikk čõõđ viikkemest. Ärvvtööllâm vue'Inn lie sää'm oudpeämm kõskksa tee'm, mä'te päärnai sää'mkiõll oudnummuž da mättjummuž tuärjjeem, luättõhttvuõtt, ä'rbbvuõđla jie'llemvue'jj di õhttsallašvuõtt. Tuâjjneävv leät ouu'dääm õhttsažtuâjast sää'm oudpeämm tuâjjlažkää'dd da Sää'mtee'gğ nõõmtem ä'sštobddjivui'm. Oou'deemtuâjast leät âannam huõl tõi'st, što tuâjjneävv siiskõõzz jää'kkte meersaž lää'jjiõttummuž da oudpeämm ohjjei ä'sškiirjid. Tuâjjneävv lij vuäžžamnalla lää'ddkiõll lââ'ssen

Sää'm oudpeämm ärvvtööllâmтуâjjneävv piloott le'be kicčlõõddmõõžž altteeš kâlggmannust 2022. Piloott täävtössân lij te'sttjed, mõõn puârast ärvvtööllâmтуâjjniävnu kuulli lomakk tuärjjad sää'm oudpeämm ärvvtööllmõõžž da ouu'dummuž. Lââ'ssen piloottâst kicčlõõddât, mä'htt oudpeämm jee'res juâkksin da koo'ddin norrum aunstõõzz vuei'tet raportâ'stted da äü'kķeed tuâjjlažkää'dd jiõččärvvtööllmõõžž tuärjjan.

Piloott čõõđ viikkmõõžž tuejjeet õhttsažtuâjast sää'm oudpeämm ta'rjjei koo'ddivui'm di Sää'mtii'gğin. Pilott ta'rjjad vuässõõttjid, mä'te oudpeämm jä'rjstee'jid, jââ'dtee'jid da tuâjjlažkâdda vuei'ttemvuõđ ouu'deed tää'zz ärvvtööllâm Karvi tuärje'men. Tuâjjlažkää'dd vasttõõzzid da see'st norrum maacctõõzz äü'kķeed ärvvtööllâmтуâjjneävv ouu'dummšest. Lââ'ssen ärvvtööllâmтуâjjneävv pilotâ'sttem vie'kķat Sää'mtee'gğ sää'm oudpeämm ouu'dummšest. Piloott čõõđ viikkemest da tuâjjlažkää'dd maacctõõzzâst õlmstââ'ttet rapoort kēâđda 2023.

Sää'm oudpeämm ärvvtööllâmтуâjjneävv õhtteet digitaal'laž Valssi-tää'ssärvtööllâmriâžldõõgg vue'ssen. Riâžldõõgg leät ouu'de'men âân. Lââ'ssteâđ Valssi-riâžldõõgg pirr käunn'je [Karvi ne'ttseeidain \(lääddas\)](#).

Lââ'ssteâđ:

- ärvvtööllâmä'sštobddi Sivi Harkoma, te'l. 029 533 5556, sivi.harkoma@karvi.fi
- ärvvtööllâmduumšek Janniina Vlasov, te'l. 029 533 5543, janniina.vlasov@karvi.fi